

یوہ آکاشوانی جموں ہے محبوب سلطانی تیں خبر سٹو۔

CM EDUCATION

وزیر اعلیٰ عمر عبداللہ نے پونچھ مانہ ضلع جائیزہ میٹنگ کے دوران تعلیمی مدد آلی سکیمیں غے تحت 1.5 کروڑ روپیہ جاری کیا ہیں میٹنگ سنگ خطاب کرتا واں وزیر اعلیٰ نے اس گل ور زور پایو جے حکومت تعلیمی سہولت نانہ بہتر بنان عوامی ٹانچاں نانہ مضبوط کرن تے خطہ مانہ معشیت گا بادھا واسطے خاصہی توجہ دے رئی ہے اُنہاں نے کہیو جے یوہ قدم برابری ترقی نانہ یقینی بنان تے لوکاں گی زندگیاں نانہ بہتر بنان واسطے اہم ہے وزیر اعلیٰ نے افسران نانہ ہدایت جاری کرتا واں کہیو جے بکھ بکھ محکماں گا آپسی تال میل نانہ برقرار رکھن گا لگاتار پیش رفت گی نگرانی کی جے تانجے ہر سطح ور جوابدی نانہ یقینی بنایو جاسکے۔

MOS MISSION MAUSAM

مرکزی وزیر مملکت ڈاکٹر جتندر سنگھ نے پچھلے تہارے بھارتی محکمہ موسمیات گی جائیزہ میٹنگ گی صدارت کرگے مشن موسم مانہ ہونی پیش رفت بارے جانکاری حاصل کی ہے واضع رہ جے مشن موسم گی شروعات گو مقصد بھارت کا موسم گی پیش گوئی تے موسمیاتی نگرانی کا نظام نانہ بہتر بنانو ہے اس سلسلہ مانہ وزیر موصوف نے محکمہ موسمیات گا افسران نانہ ہدایت جاری کرتا واں کہیو جے وے خریداری تے لان گا کم کاج مانہ تیزی لیاوے تے ویلے سر پورو کرے اسی شروعات سنگ پہلاں تیں ہی خبردار کرن غا نظام تے آفات گی تیاری نانہ بہتر بنانو ہے جناب جتندر سنگھ نے اعتماد گو اظہار کیو تے کہیو جے اج جٹ کوششاں سنگ مقرر ہدف نانہ ویلے توں پہلاں پورو کیو جاسکے۔

JKTPO

واں بھارتی بین العقوامی تجارتی میلا مانہ جموں کشمیر پولین کامیابی سنگ اختتام پزیر ہویو ہے 44 جس نے 13.50 کروڑ گی ریکارڈ فروخت کی تے 6 ہزار تیں متا کاروباری لیڈز وی پیدا کیا ہیں پولین نے جموں کشمیر گی منی پڑ منی وی ہٹھ کڈی دستکاری تے ذرعی پیداوار نانہ اُجاگر کیو ہے تے جس سنگ ملکی تے غیر ملکی خریداری گی توجہ گو مرکز وی بنیو ہے اس ضمن مانہ سنترافسر نے تجارت تے شفافیت گی بہترین شراکت داری نانہ سراہیو ہے اس سلسلہ مانہ جموں کشمیر تجارت کا باعدا بارے تنظیم جے کے ٹی پی او نے مستقبل نانہ دیکھتا مانہ بھارتی بین العقوامی تجارتی میلا 2026 مانہ توسیع کرن گو فیصلو کیو ہے تانجے مارکیٹ تک رسائی مانہ بادھو تے نوی پیداوار نانہ دسیو جاسکے تے جموں کشمیر کی حیثیت نانہ ایک اہم منزل غا طور ور مزید مضبوط بنانو ہے۔

CS YOUTH

چیف سیکرٹری اٹل ڈلو نے اعلیٰ سطحی میٹنگ گی صدارت کی جس غو مقصد مرکزی زیر انتظام آلا علاقہ گا نوجواناں واسطے اک جامع ایکشن سکیل پلان تیار کرنو تھو اُنہاں نے قومی تعلیمی پالیسی 2020 غے تحت مہارت سازی کا نظام گی ضرورت ور زور پایو تے سکولاں کالجاں یونیورسٹیاں تے تکنیکی اداراں گا کردار نانہ اُجاگر کیو جناب اٹل ڈلو نے بہترین ہنر سکھان ور زور پایو تانجے روزگار گا مضبوط رابطاں سنگ نوجواناں واسطے اک موثر روزگار گا موقع پیدا وے اس دوران افسران تے شراکت داراں نے نوجواناں نانہ صنعت بارے مہارت سکھان گی حکمت عملی ور گل بات کی تانجے اک ہنر مند افرادی قوت تیار کی جاسکے جس سنگ آن آلی معاشی تے تکنیکی ضرورتاں نانہ پورو کیو جاسکے۔

JK POWER PROGRESS

جموں کشمیر نے سمارٹ بجلی میٹر لان مانہ 40 فی صد پیش رفت حاصل کی ہے جہڑی ری ویم پڈ ڈسٹری بیوشن شعبہ غی سکیم غے تحت جاری ہے اس سکیم غے تحت 3.8 لکھ توں متا میٹر لایا گیا ہیں نومبر 2020 مانہ شروع ہون آلا اس منصوبہ گو ہدف 2026 توڑی 9.50 لکھ میٹر لان گو ہے اس ضمن مانہ بجلی ترقیات محکمہ گا جاری بدلاؤ گو مقصد بہتر کارکردگی ٹانچاں گی مضبوطی تے بجلی گی چوری نانہ کھٹ کرن ور زور پانو ہے اس سلسلہ مانہ جموں تے کشمیر صوبہ نے بالتر تیب 1.87 لکھ تے 1.93 لکھ میٹر لایا ہیں جس سنگ شفاف تے صارفین دوست بجلی دہن گا نظام گی طرف لگاتار پیش رفت گی عکاسی ہو رئی ہے۔

ANEKHA BLIND CRICKET

قابل فخر آلی گل ہے جے ضلع کٹھوعہ گا مچھینڑی گراں توں تعلق رکن آلی انیکھا دیوی جنہاں عالمی کپ جس مانہ صرف نابینا کھیڈاری تھا بہترین کارکردگی پیش کرگے T20 نے خواتین تاریخ رقم کی ہے وے اُن کھلاڑیاں مانہ وی تھی جنہاں نے وزیر اعظم نریندر مودی سنگ عالمی کپ مانہ کولمبو اندر بھارت نے T20 ملاقات کی ہے اہل ذکر ہے جے نابینا خواتین گا نیپال مانہ ہراگے ٹائٹل مانہ اپنا ناں کیو ہے وزیر اعظم سنگ ملاقات گے دوران ٹیم نے اک دستخط کیو وہ بلو وی پیش کیو تے اپنا متاثر کرن آلا تجربہ وی سانجا کیا اس ضمن مانہ وزیر اعظم نے ان کا حوصلہ تے عزم کی تعریف کی تے کہیو جے ان کی کامیابی قوم واسطے اصل مثال ہے۔

WEATHER

جموں کشمیر مانہ آن آلا 5 تہاڑاں گے اندر درجہ حرارت مانہ مزید 1-2 ڈگری سلسیٹھ غی کمی دیکھی جے غی محکمہ موسمیات کی پیش گوئی غے مطابق 2 دسمبر دوپہر تیں بعد چڑھ وے گو جد کہ 3 تے 4 دسمبر مانہ موسم خشک رہن غی توقع ہے اونگا 5 دسمبر مانہ ایک واری فر تیں چڑھ دیکھیو جاسکے تے کشمیر صوبہ تے جموں صوبہ غا گجھ علاقہ مانہ ہلکی ٹھنڈ مانہ مزید بادھو تے تہاڑی ویلے گجھ خطہ مانہ دیکھن اندر کمی ہوسکے۔

NEWS READ BY MEHBOOB SULTANI
NEWS EDITOR ABHILASHA SHARMA
DEO NUSRAT
SKILLED RAJAT
TECH ASST QUDRAT